

UGOVOR o kupovini i isporuci proizvoda za čišćenje

zaključen u Sarajevu dana 30.04.2019. godine između Ugovornih strana:

1. **JU OŠ "Grbavica II" Sarajevo, ul. Behdžeta Mutevelića bb, Sarajevo, koju zastupa Sabahudin-Dino Bakal, direktor škole. Identifikacijski broj: 4200167950004 (u daljem tekstu Kupac),**
2. **„BENT EXCELLENT“ doo, Olivera Ibrahimovića 44,71 000 Sarajevo, koju zastupa direktor Nenad Safin (u daljem tekstu: Dobavljač), ID broj: 200763300009, PDV broj: 079-01704237**

PREDMET UGOVORA

Član 1.

Predmet ovog Ugovora je kupovina proizvoda za čišćenje za potrebe JU Osnovna škola „Grbavica II“ Sarajevo, JRJN- 39830000-9.

Odlukom o pokretanju postupka javne nabavke direktora škole broj: 01-216/19 od 30.04.2019. godine, nakon provedenog direktnog postupka, ugovor za javnu nabavku proizvoda za čišćenje dodjeljuje se BENT EXCELENT d.o.o. Sarajevo, ponuda broj: 000506/2019 od 30.04.2019. godine.

OBAVEZE UGOVORNIH STRANA

Član 2.

Dobavljač se obavezuje da će izvršiti isporuku proizvoda za čišćenje u roku od 5 dana od dana potpisivanja ugovora, odnosno od dana uplate avasa, na osnovu dostavljenog predračuna.

Kupac se obavezuje da će dobavljaču izvršiti avansnu uplatu 100%, na osnovu ponude iz člana 1. koje je sastavni dio Ugovora.

USLOVI I NAČIN PLAĆANJA

Član 3.

Cijena koju će kupac uplatiti dobavljaču za proizvode iz člana 1. Ugovora iznosi:

- Cijena bez PDV-a: 1.985,71 KM;
- Porez na dodanu vrijednost (PDV 17%) = 156,70 KM;
- **UKUPNA VRIJEDNOST / CIJENA sa PDV-om = 2.108,35 KM**
(slovima: dvijehiljadestoosam i 35/100 KM).

Plaćanje se obavlja na žiro račun Dobavljača broj: 1610000036930045, otvoren kod Raiffeisen Bank.

ROK ISPORUKE

Član 4.

Rok isporuke ukupno ugovorene i specificirane količine proizvoda je 5 dana računajući od datuma obostranog potpisivanja ovog Ugovora. Pod isporukom se podrazumijevaju sve potrebne radnje koje je Dobavljač dužan obaviti, prema Ugovoru i prirodi posla, da bi Kupac mogao primiti isporuku. Mjesto isporuke je JU OŠ „Grbavica II“ Sarajevo, Behdžeta Mutevelića bb.

STUPANJE UGOVORA NA SNAGU

Član 5.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim Ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

PRIMJENA ZAKONA O OBLIGACIONIM ODNOSIMA

Član 6.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi i povodom izvršenja ovog Ugovora.

RJEŠAVANJE SPOROVA

Član 7.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. Ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

OSTALE ODREDBE

Član 8.

Izmjene i dopune ovog Ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 9.

Ovaj Ugovor je sačinjen u 4 istovjetna primjerka od kojih svaka ugovorna strana zadržava po 2 primjerka.

